



BILTEN

BR. 22

Informativne novine IZB u Švedskoj

APRIL 2016

UVODNIK



Nedavno je u Sarajevu održano zasjedanje Sabora Islamske zajednice u Bosni i Hercegovini. Odavno jedan događaj nije izazvao toliko pažnje javnosti kao ovaj. Razlog tome svakako je najavljena rasprava o izvještaju Rijaseta o rezultatima razgovora sa predstavnicima paradžemata.

Sabor je, inače, u potpunosti prihvatio izvještaj Rijaseta, kao i zaključke Vijeća muftija po tom pitanju. Saopćena su imena džemata koji su prihvatili da uđu pod okrilje Islamske zajednice, ali i imena onih koji su to odbili.

Kako veći dio javnosti smatra da je ovo bila Rijasetova hajka na samo jednu skupinu, citirat ćemo ovdje početak iz Rijasetovog izvještaja:

„Izvještaj se odnosi na: pojedince, pripadnike islama, koji nisu članovi Islamske zajednice u Bosni i Hercegovini, skupine koje su uzurpirale imovinu Islamske zajednice i ometaju njen rad, skupine koje se u javnosti spominju kao tzv. „selefijske skupine“, odnosno „šiijske skupine“ ili „džemati“, te na derviške grupe, odnosno, tekije koje nisu formalno uključene u asocijaciju tradicionalnih derviških redova unutar Islamske zajednice i ostale, koji se kolokvijalno nazivaju i „paradžemati“.

Nekoliko dana poslije zasjedanja Sabora, u Zagrebu je održana vrlo interesantna međunarodna konferencija na temu: *«Muslimani u Evropi – naslijeđe i budućnost»*.

Na konferenciji je usvojena Deklaracija, iz koje izdvajamo dvije tačke: *„Pozivamo sve članice Evropske unije da priznaju islam te pomognu širenju tolerancije i dijaloga između vjera i uvjerenja uzimajući hrvatski model kao primjer evropskim zemljama sa manjinskim muslimanskim zajednicama“*

„Pozivamo sve muftije, imame i vjerske misionare u Evropi da u svom tumačenju vjerskih propisa na autentičan način približavaju vrijednosti islama vremenu i prostoru u kojemu muslimani Evrope žive i djeluju“.

Iako se na prvi pogled može zaključiti da se ova dva događaja ne odnose direktno na nas u Islamskoj zajednici Bošnjaka u Švedskoj, smatramo da poruke sa ovih skupova trebamo pravilno raumijevati i shodno tome se ponašati.

”Allahumme barik lena fi Redžebe we Ša'bane ve belligna Ramadan.”

”Dragi Gospodaru, blagoslovi nas u Redžepu i Ša'banu i omogući da dočekamo Ramazan.”

SADRŽAJ

- Savjet glavnog imama
- Sjednica Izvršnog odbora IZBUŠ
- Hadž 2016
- Najava programa
- Hutba
- Pitanja i odgovori

U Halmstadu održana sjednica Savjeta glavnog imama IZBUŠ

U ponedjeljak, 11. aprila 2016. u Halmstadu je održana konstituirajuća sjednica novoizabranog Savjeta glavnog imama IZBUŠ. Na sjednici su određena zaduženja članova Savjeta, te usvojen Plan rada za 2016. godinu.

Od aktivnosti za naredni period, treba spomenuti predramazanski seminar za imame, koji je planiran za 3. i 4. juna 2016. u Örebro. Na seminaru će biti podijeljeni blokovi za zekat i sadekatu-l-fitr, koji su već naručeni, te date smjernice i druga uputstva.

Osim toga, Savjet je donio odluku da se ove godine pripreme i svim članovima poštom dostave brošure za zekat, hadž i kurban.

Savjet je još raspravljao o dopisu Bemufa u vezi sa dodijeljenim sredstvima za mekteb. Izražavajući zahvalnost Bemufu, Savjet je obavezao sve muallime da kad upisuju polaznike mektebske nastave i u drugim prigodnim prilikama preporuča potpisivanje Bemufove pristupnice.

Na kraju je Savjet donio odluku da se i ove godine štampa zajednička diploma za polaznike mektebske nastave, te da se konačno pripremi i odštampa jedinstveni vjenčani list.

I.K.

Članarina preko poreza

Broj potpisanih pristupnica u džematima IZBUŠ		
	24-03-16	26-04-16
Malmö	1416	1421
Stockholm	1137	1154
Borås	696	693
Skövde	516	519
Göteborg	778	806
Gislaved	424	427
Norrköping	572	576
Helsingborg	422	421
Landskrona	415	418
Trollhättan	315	317
Växjö	241	244
Linköping	288	292
Halmstad	222	222
Trelleborg	268	274
Jönköping	305	305
Motala	154	158
Örebro	164	164
Surte	86	87
Västerås	41	41
Vetlanda	70	91
Värnamo	19	19
Varberg	60	60
Karlstad	25	25
Karlskoga	0	0
Kalmar	2	2
Oskarshamn	0	0



U Göteborgu održana sjednica Izvršnog odbora IZBUŠ

U subotu i nedjelju, 16/17. aprila 2016. godine, u Göteborgu je održana prva sjednica novoizabranog Izvršnog odbora Islamske zajednice Bošnjaka u Švedskoj.

Kako bi se što bolje upoznali sa načinom funkcioniranja Izvršnog odbora, pored redovnih članova, na sjednicu su pozvani i rezervni članovi Izvršnog odbora.

Na sjednici je analizirana protekla Skupština IZBUŠ, te dogovoren način sprovođenja odluka, donesenih na njoj, a određene su i radne grupa za to.

Izvršni odbor je utvrdio i kalendar drugih aktivnosti, od kojih treba izdvojiti savjetovanje sa predstavnicima džemata, 1. oktobra, Centralni mevlud, 15. oktobra, te seminar za predstavnice žena naših džemata, 4-6. novembra.

Članovi Izvršnog odbora dobili su zadatak da se temeljito upoznaju sa svim normativnim aktima u Zajednici, kako bi se što kvalitetnije pripremili za pripremu i raspisivanje javne rasprave o novom Satutu IZBUŠ.

Izvršni odbor je na kraju zahvalio džematu domaćinu za izuzetno gostoprimstvo i omogućene uvjete za održavanje sjednice.

I.K.



ON-LINE PRODAJA KNJIGA SA PREKO 300 NASLOVA

NARUČITE KNJIGE ODMAH!

القلم
el-Kalem
www.elkalem.ba

HAJJ
2016

Hadž 2016

Ovim obavještvam zainteresirane kandidate za hadž da Islamska zajednica Bošnjaka u Švedskoj i ove godine organizira odlazak na hadž. Trenutno se pregovara sa ovlaštenim agencijama i čim se postigne dogovor, zainteresirani će, ako Bog da, biti obaviješteni. Preliminarni polazak na hadž je početkom mjeseca septembra, a dužina boravka oko tri sedmice.

Za dobijanje vize potrebno je pribaviti sljedeće dokumente:

1. Pasoš koji važi još najmanje 6 mjeseci. Ukoliko pasoš nije švedski, potrebna je boravišna dozvola koja, također, važi još najmanje 6 mjeseci.
2. Personbevis na engleskom jeziku
3. Četiri fotografije pasoškog formata sa svijetlom pozadinom
4. Žuti karton za vakcinu protiv meningitisa

Popunjen i potpisan formular za prijavu za hadž

1. Za žene mlađe od 45 godine, ukoliko im je mahrem (pratilac) muž, potrebno je dostaviti vjenčani list na engleskom jeziku, a ako je mahrem otac, brat ili sin, personbevis na engleskom jeziku koji potvrđuje rodbinsku vezu.

Formular prijave za hadž i kopiju pasoša treba dostaviti glavnom imamu najkasnije do **10. 05. 2016.** na adresu:

Bosniakiska Islamiska Föreningen
Box 8120
200 41 Malmö



Napomena:

Uz prijavu za hadž obavezno je odmah uplatiti akontaciju u visini od 10 000 kruna.


(Uplate se vrše na P.G. broj: 73 88 14 – 3)

Nakon što Islamska zajednica Bošnjaka u Švedskoj potpiše ugovor sa ovlaštenom agencijom, svi prijavljeni kandidati bit će obaviješteni o cijeni i drugim pojedinostima oko odlaska na hadž. Očekujemo da neće biti nekih većih promjena u odnosu na prošlu godinu.

Napominjemo, također, da je broj mjesta i ove godine ograničen i da prednost imaju oni kandidati koji se prvi prijave.

Osim toga, odlukom Ministarstva za hadž Saudijske Arabije, na hadž ne mogu putovati hadžije koji su hadž obavili u posljednjih 5 godina.

Kontakt telefon za dodatne informacije: **0707 300246**.



Hutba: „Šta uništava bratstvo?“



Hatib:
hfz.Emir-ef. Sinanović,
Džemat Gislaved

Sva hvala i zahvala pripada Allahu Dž.Š., neka je salavat i selam na posljednjeg Božijeg poslanika i miljenika Muhammeda ,s.a.w.s, na njegovu časnu porodicu, drugove ashabe i na sve one koji ga slijede čineći dobra djela do Sudnjega dana.

Draga braćo! Veliki broj muslimana u svijetu boluje od teških srčanih problema, kao što su pohlepa, egoizam, zavist i škrtost. To su bolesti, koje, nažalost, nisu opasne samo za bolesnog pojedinca, već i za cijelo muslimansko društvo, te se kao takve moraju liječiti.

Uzvišeni Allah poručuje: **"Izbjegavajte ono što će dovesti do smutnje, koja neće pogoditi samo one među vama koji su krivi. I znajte da Allah žestoko kažnjava."** (El-Enfal, 25.)

Vrijeme je pokazalo da su se neke od navedenih bolesti uvukle i u naše džemate i danas ću vam skrenuti pažnju na njih, kako bismo ih mogli navrijeme izliječiti.

Svakako, jedna od najvećih bolesti jeste pohlepa za dunjalukom. Ona je rezultat čovjekovog egoizma i škrtosti. A pokazatelj te bolesti jeste da čovjek bježi od džemata zbog straha od članarine i dobrovoljnih priloga od kojih se, inače, izdržavaju džemati. Mnogi tu bolest imaju, ali je ne žele nikome, pa ni sami sebi, priznati. Oni, nažalost, mnogo više novca troše u nebitne stvari i luksuze, u ono čime se pokušava kupiti nemoguće, odnosno,

sreća na Dunjaluku. Lijek za ovu bolest jeste buđenje svijesti o nužnosti dolaska smrtnog časa i napuštanja Dunjaluka, odnosno, o nužnosti povratka svome Gospodaru, pred Koga se nose samo djela – dobra i loša.

Mnogi, nažalost, tog lijeka nisu svjesni, i upravo zbog toga lutaju u tminama druge velike bolesti, a to je ogrezlost u činjenju velikih grijeha. To je bolest koja uništava čovjekovu bogobožnost i ruši lijepe međuljudske odnose. Pokazatelji te bolesti jesu tvrdoća srca i međusobno nepovjerenje. Vi tako vidite da neki ljudi jedno izvjesno zajedno posluju, druže se i vesele, ali onda iznenada postanu neprijatelji jedni drugima, jer je njihovo prijateljstvo bilo bazirano na interesu, a ne na ljubavi u ime Allaha, dž.š. Najbolji lijek za ovu bolest jeste redovno klanjanje namaza, jer namaz čovjeka udaljava od činjenja velikih grijeha.

Jedan od tih velikih grijeha jeste proizvoljno prenošenje tuđih riječi, što je kod nas poznato kao rekla-kazala. Mi, nažalost, vrlo često prihvatamo to što nam neko na svoj način servira i svoje mišljenje prema tome kreiramo, bez želje da čujemo i drugu stranu priče, bez želje da dođemo do prave istine. Naša su sijela uglavnom ispunjena ovom vrstom informisanja, koja ima za cilj da zavede i zavadi muslimane, te da ih udalji od džamije. Pokazatelj te bolesti jeste da neki ljudi osjećaju nelagodu i prezir prema nekim ljudima u džamiji i da zbog njih izbjegavaju dolazak u džemat. Lijek za tu bolest jeste korištenje zdravog razuma.

Taj lijek, također, budi u čovjeku njegov osjećaj za kulturu govora. Naime, ima dosta ljudi, koji boluju od sindroma proizvodnje negativne energije u društvu: podižu glas, psuju, izgovaraju pogrdne i ponižavajuće riječi, koriste neumjesne šale, prepiru se do iznemoglosti i tome slično. To, najčešće, rezultira prekidom komunikacije i dugoročnom svađom. Pokazatelji te bolesti jesu čovjekova oholost (kibur) i nedostatak sabura, odnosno, gubljenje živaca, a lijek za tu bolest jeste – biti čovjek.

Eto, draga braćo, vidjeli smo danas koje su to najčešće bolesti koje narušavaju lijepe međuljudske odnose i uništavaju džemate. Vidjeli smo kako se te bolesti manifestuju i kako se na najbolji način liječe. Ja vas, zato, pozivam da navedene riječi hutbe imate na umu, i da nastavite čuvati svoje lijepe odnose i ovaj svoj i naš džemat!

Također, vas pozivam da, u ime Milostivog Allaha, pređete preko nekih grešaka koje su vaša braća učinili prema vama. Na taj način ćete, akobogda, steći pravo na Allahovu, dž.š. milost i na Dunjaluku i na Ahiretu!

Molim Dragog Allaha da nas uputi na Pravi put, da nas sačuva od svega onog što može uništiti naše bratstvo i džemat i da nam podari Svoju milost, ljubav i blizinu. Amin!



Najava programa u džematima!

Bosanski kulturni centar Västra Götaland

Susreti

*i program povodom završetka
mektebske nastave J.Z. Skövde*

14 Maj 11:30 do 16

GOST IZ BIH PROFESOR MUSTAFA EF. SPAHIĆ

12:00 RUČAK ZA SVE PRISUTNE | 13:15 PODNE NAMAZ

13:30 PRVI DIO PROGRAMA | 14:10 PREDAVANJE

15:10 DRUGI DIO PROGRAMA

Lidköping Folkets park Framnäsv.1

Poseban gost i iznenađenje za djecu



Bemuf

Muslimanski omladinski
savez u Švedskoj
www.bemuf.org



24h uživo prijenos iz
Mekke uz učenje
Kur'ana
YouTube:
"Makkah Live HD"

YouTube kanal Islamske zajednice Bošnjaka u Švedskoj

Sa zadovoljstvom vas obavještavamo da je:

- Otvoren youtube kanal Islamske zajednice Bošnjaka u Švedskoj, pod nazivom „BIS Sverige“;
- Ovdje možete naći sve zabilježene video snimke, predavanja i druženja sa aktivnosti naših džemata u Švedskoj;
- Vašoj pažnji posebno preporučujemo mektebski materijal koji je prilagođen trenutnim udžbenicima čime je olakšano učenje mektebskih sadržaja našoj djeci;
- Kanal će se redovno ažurirati i dopunjavati novim sadržajima, te vas pozivamo da nas redovno PRATITE putem donjeg linka:

https://www.youtube.com/channel/UCE1A3ZtznT7B_ZcAj3tfcZg



BIS Sverige

Visa som: Dig själv

Prenumerera 10

Hem Videoklipp **Spellistor** Kanaler Diskussion Om

Skapade spellistor Ny spellista

Senast tillagd till Rutnät



Predavanja
Uppdaterades idag



Ilmihal NIVO I



Ilmihal NIVO II



Ilmihal NIVO III



Ilmihal NIVO IV



Hutbe

Najava programa u džematima!



Subota
21. Maj 2016. u 18.00h
Medborgareservice, Halmstad

"U susret Ramazanu!"

Program učenja Kur'ana i ilahija u povodu nastupanja mubarek mjeseca Ramazana

U programu učestvuju:

- Hor džemata Malmö
- Hasan-ef. Jašarević
- Hor džemata Halmstad

Gost predavač: hfz. Emir-ef. Sinanović, džemat Gislaved

U toku programa biće upriličena i podjela paketića i diploma za djecu koja su ove godine dolazila u mekteb! **DOBRO DOŠLI!**

Preporod
ISLAMSKÉ INFORMATIVNE NOVINE



Allah neće izmjeniti
starije jednog naroda
dok taj narod ne
promijeni sebe
(Kur'an)

www.preporod.com

PITANJA I ODGOVORI

Na Vaša pitanja odgovara muftija
dr. Enes Ljevaković.



Vaša pitanja možete slati na e-mail:

pitanja@rijaset.ba

Pitanje:

Esselamu alejkum,
Da li majka gubi abdest ako opere svoje dijete poslije nužde, i da li to ovisi od starosne dobi djeteta?

Odgovor:

Esselamu alejkum!
To ne kviri abdest. Abdest kviri izlazak nečistoće iz tijela osobe pod abdestom, a ne nečistoća koja dospije na tijelo izvana, a koja se opere.

www.islamskazajednica.ba



POZIV NA SARADNJU

Oglasite se i Vi u Biltenu IZB u Švedskoj!

Javite nam se sa vašim tekstom, prijedlogom, primjedbom i sugestijom.

e-mail: bilten@izb.se



BILTEN

Informativne novine

Islamske zajednice
Bošnjaka u Švedskoj

GLAVNI UREDNIK

Idriz-ef. Karaman
glavni imam

IZVRŠNI UREDNIK

Almedin-ef. Spahić

REDAKCIJA:

Savjet glavnog imama:
Hasan-ef. Jašarević
Fuad-ef. Čolić
Elvedin-ef. Bešlija

Stari brojevi/arhiva:

www.izb.se/index.php/bilten

Saradnici u ovom broju:

hfz. Emir-ef. Sinanović